

射

書

射書序

予每見銘栢顧子之為文

心枯髯一語經

駿發踔厲

曰

蚤自命。會通歲戎。作不戒。虜寇
交訐。習射之令。甲旁午於澤宮。
而未有窺左足應者。則銘栢窠
先賈壯馬。洞胸穿札。破的飲羽。
猶是為文之餘勇也。乃又於博
綜之暇。取射義之散見六經史

書以及

昭代列聖之掌故者。彙而為一
書。曰射書。夫射之為用。程能累
黍。得失寸心。亦如文家利病。然
非有訣可傳者。而冒以書為之。
之書者。厥有肯也。銘栢之言曰。

文士畏蒺相尋。莫肯一當者。章
縫縻之。鉛槧困之。歲月銷磨之。
也。夫書者。政章縫鉛槧。所以銷
磨。居諸之具也。今不以載含毫
吮墨之長談。而載張侯希鵠之
能事。借其耳目所最熟。而轉其

心手所不經。將來知必有權奇之士。不待跨馬授甲。而得要領於言下者矣。且埒有常徑的。有常所。原有畦蹤。尋躡方略。指授信如書所載。裏稍整焙。分駢對鏡諸式。弓馬相調。步騎各得前。

人射楊貫虱之神秘。拈出示人。
如話桑麻。如寫家書。一、可見
之實際。得薄之為紙上陳言乎。
猶憶早歲同社諸子。馳逐山原。
得意處。有弓燥手柔之趣。今此
味不知何往。畧披是書。輒悔不

學挽六鈞而坐取五斗折腰之
謂。况當世機靈敏妙。有什百於
予者。而解衣盤礴其中。不敢故
紆。是書即不敢鄙。弧矢為末技。
將見麕鹿者柔其跋扈。而孱者進
其英猛。括羽簇厲。各繹已志。以

命君臣父子之鵠。無論犯難折
衝。即觀德之意可復也。

歲在彊圉。赤奮若之。余月古虞
友人陸銑孟見父題

自序

善夫先臣劉大夏之言曰。古今治天下。惟文武二道。天生材供世用。惟文武二藝。國家求相于文。求將于武。惟文武二科。我

皇明蕩。□□□奄受方夏。金戈鉄馬中。輒降詔選舉。文明黼黻。公侯干城。相助為理。制甚善。沿久中葉。敝浸文弱。儒生不諳兵典。武士鮮曉戰韜。戎作不戒。贊是受赤虜冠交誑。數年于茲。所至袖手啜泣。莫可誰

何過計者。輒植為右文左武之弊。殆非也。今日求文
於章句之監。儒責武於行伍之莽。漢則又舛甚。宋臣
富弼之言曰。法度齷齪。未能致將起之士。豈其然乎。
惟我

明興。文臣以武功顯。代不乏人。如劉文成功。埒武侯。
于忠肅定土木。王文成翦逆濠。皆一代人雄。未可多
得。他如王忠肅翺。樹榆塞之勲。韓襄毅雍。底藤峽之
績。項襄毅忠。解金鉤以檢端。馬端肅升。收金印而

平哈密。凡嘉隆萬曆間。若毛襄懋。伯溫。王襄毅。崇古。
李襄毅。化龍。梅司馬國禎。庶幾韓項。派亞歟。下此王
忠毅驥。逐虜黑泉。功至高。王襄毅。越治軍。遇虜。斬獲
過多。王太保。壤。識天下兵馬數。及塞隘夷險。指顧無
遺筭。吳少保。宗憲。大殄島夷。不血刃。而江以南大定。
夫以文臣著伐。當代抑何烈々也。固非獨文者弊也。
昔唐知求將。視進士科。增設武舉。遂得郭子儀。成再
造功。宋知求將。視制科。詳定武舉。遂得高志寧。令狐

挺卒料元昊之叛。破智高之謀。如穰苴生于寒軍。吳起困于羈旅。樂毅出于踈賤。黥布雜于輿臺。衛青屈于人奴。韓信辱于胯下。非有達識。鮮拔瑰琦。大抵異人傑士。飲氣挾術。以赴功名。誠有以屈群策。而激厲之。非遂如麟鳳者。不可復得。是又非武者弊也。宋臣蘇洵嘗白於仁宗曰。文有制科。武有武舉。陛下欲得將相。於此乎取之。十人之中。豈無一二。此名儒格論。為可徵矣。夫以士卒居。投石超距。趨踰跡射。力扼虎。

豹然聞金鼓。鮮不色動者。矢刃交于前。鮮不股栗者。以非素習然也。有恂於酒杯而侃於行陣者。則習之也。勇公戰怯私闘。豈獨秦民性然哉。是故漢量錯策禦戎而歸之乎卒服習。良有以也。今

天子文武神聖。蒿目東顧。勤還亂略。特晉武士親策藝于廷。猶念經生家守文拘務。罔達權制。亂用是餒。爰申命諸郡邑。頒于學宮。著為令。以時習射。鄉會二試。俱自次科始。論者疏請止。不可得。夫苟與國同恤。

與民同患。豈遂無賈傅終童其人者。上有求而不應。下有倡而無從。是未可爲丈夫志。四方者道也。愚請因射而畢其說。自夫天方星。司弓矢。其神曰曲張。軒轅黃帝之臣。揮作弓。夷牟作矢。此射之原也。男子生。懸桑弧蓬矢六以射。天地四方。然後敢用穀。此射之始也。禮。中春獻弓弩。中秋獻矢箠。此射之時也。昔宋景公使弓工爲弓。九年見公曰。臣之精盡於弓。臣不得見公矣。獻弓。端三日卒。公張弓登臺而射。矢踰孟

霜之山。集彭城之東。其餘力逸勁。飲羽于居梁。此制
弓之貴善也。晉平公使工為弓。三年乃成。射不穿一
札。公怒。將殺工。其妻見公曰。妻夫造此弓。幹生泰山
之阿。一日三觀陰。三觀陽。傳以燕牛之角。纏以荆麋
之觚。糊以河魚之膠。四者天下選也。而不穿一札。是
君不能射也。妾聞射之道。左手如拒。右手如附枝。右
手發之。左手不知。公以其儀。遂穿七札。此弓雖善。而
射固貴乎合法也。莊子白。以十鈞射者。見天而不見

雲以七鈞射者見鵠而不見鷦以五鈞射者見鷦而
不見雀此又射力淺深之辨也子路好劒子曰以子
能加之學豈可及乎曰南山有竹不扶自直斬而用
之射達犀革以此言之何用學為子曰括而羽之鏃
而礪之其入不益深乎此又射學久暫之辨也史曰
養由基射楊葉百發百中人皆曰善一人曰可教矣
由基怒曰我非能教子支左屈右也夫善射不善息
小焉氣衰力衰多撥矢鉤一發不中百發盡息此又

射力息不息之辨也。昔紀昌學於飛衛。曰爾先學不
瞬。然後可言射。昌歸。卧妻機下。以目承牽挺。二年。雖
錐末倒背。不瞬也。以告飛衛。曰未也。昌以牀懸虱于
牖南。面望之。旬日。浸大。三年之後。如車輪焉。以視餘
物。皆丘山也。射貫虱心。而懸不絕。此又射理精微之
辨也。孔子射于矍相之圃。使子路執弓矢。出延射。又
使公罔之裘。厚點。楊解而語。首斥賁軍之將亡國之
大夫。與為人後者。惟幼壯孝弟者。老好禮。不沒流俗。

修身俟死者。好學不倦。好禮不變。旒期稱道不絕者。
是進。此又射品賢不肖之辨也。誠若是斯。乃可相與
謀射。奚用群喚之為拳勇者事。去之恐後乎。曾子丑
聞。吾錫城戒備。社中諸君子。奮袂習射。敢曰包身之
防。亦云王事之禦。余間從筆墨暇。勉執珥。從事服儀
決拾。命意良苦。古人飲酒賦詩投壺。則相及射。矧艱
虞游至。

功令聿新。有不起圖一發再發之業。寔可耻恨。先儒

陸九淵之言曰。令人高居優游。乃懷安。非懷義也。人
是惴々。不遑寧處。諸君子曰。后公秘笈。尚落人世。世
集射書。爰付梓氏。以率天下先。余曰。可遂成之時。
崇禎丁丑春王三月。西神雙圃顧煜銘。栢漫題於二
齋之戶。

射書

卷首

聖旨

祖制

部題

憲牒

習射說

[illegible]

射書

射法卷一

射經

射論

射法十四則

射機八法

射法四論

正謬篇

破愚論

或問

折衷篇

射法二十四要

貫虱歌

貫虱歌解

三
箭訣歌

射訣

步射病歌

射病解

射學辨

射書

射式 卷二

弓評

弓制

披筋法

漆弓法

裏弓法

銷弓法

整弓法

培弓法

弓式

論弓

矢評

整箭法

矢式

論箭

鏃頭式

火箭式

神機箭式

遑箭式

兩廣藥箭法

藥箭方

開弓式

架箭式

文射式

武射式

持滿式

騎馬勢式

陽發矢式

陰發矢式

了囊式

箭壺式

箭筒式

矢簾式

箭端式

箭端論

箭筒論

指梳論

射書

馬射卷三

馬射總法

馬射要論

馭馬法

帶馬式

分踪式

對鏡式

抹鞦式

相馬總論

馬毛利害

相馬寶金歌

齒歲論

齒歲歌

又齒訣

馬忌

芻水論

三飲三喂芻水歌

養馬

四季口色

牧養喜忌

渾睛虫

有疾歌

無疾歌

遠行騎驟法則

遠回拴繫法則

騎喂須知

起卧

五疔歌

諸病方

射書

射禮攷卷四

國朝學較大射禮攷

國朝武科攷

禮記

周禮

儀禮大射禮攷

儀禮鄉射禮攷

吳越春秋

考工記

初學記

白虎通

歷代武制攷

歷代兵制攷

歷代馬政攷

保馬說

射賦 三首

馬射賦 三首

詠射詩 二首

詠弓詩

弓銘

弓矢銘 二首

弓矢贊

聖旨

三場後復試騎射書算律及學規射儀祖制載在
會典甚明近來通不講習以致文辭日浮武備日
弛今宜通行振飭考取生童自崇禎十年始鄉會
自十二年始俱要五經論策馬步射箭無者
不准取濫徇者究治

南京山東道御史陳學伊題乞

勅提學官於道考之日後場間試以武經論策及道

道府蒞案後除六等生不許與外餘有留心疆場
精通騎射者報名登冊先示之期提學官暨該守
令學師明試之演武公所果能百步命中技勇絕
倫至文藝原考一等者即拔幫補二三四五等者
依次遞拔以激勵至于鄉會得雋之日試錄上註
精通武備四字于名下以需邊才之選奉

聖旨

祖制

洪武三年初設科舉條格詔

詔曰朕聞成周之制取材於貢士故賢者在職而其
民有士君子之行是以風俗淳美國易爲治而教化
彰顯也漢唐及宋科舉取士各有定制然但貴詞章
之學而未求六藝之全至於前元依古設科待士甚
優而權豪勢要之官每納奔競之人辛勤歲月輒竊
仕祿所得資品或居舉人之上懷材抱德之賢耻於

並進甘隱山林而不起風俗之弊一至於此今朕統
一中國外撫四夷與斯民共享昇平之治所慮官非
其人有傷吾民願得君子而用之自洪武三年八月
為始特設科舉以取懷材抱德之士務在經明行修
博古通今文質得中名實相稱其中選者朕將親策
于廷觀其學識品其高下而任之以官果有材學出
衆者待以顯擢使中外文武皆由科舉而選非科舉
毋得與官敢有遊食奔競之徒坐以重罪以稱朕責

實求賢之意所有合行事宜條列于後

一鄉試會試文式

第一場試

五經義各試本經一道不拘舊格惟務經旨通

暢限五百字以上

易程朱氏註古註疏

書蔡氏傳古註疏

詩朱氏傳古註疏

春秋左氏公羊穀梁胡氏張洽傳

禮記古註疏

四書義一道限三百字以上

第二場試

禮樂論限三百字以上

詔誥表箋

第三場試

經史時務策一道惟務直述不尚文藻限一千

字以上

第三場畢後十日面試

騎觀其馳驟便捷

射觀其中數多寡

書觀其筆畫端楷

律觀其講解詳審

一殿試時務策一道惟務直述限一千字以上

於戲設科取士期必得於全材任官惟能庶可成

於治道咨爾有衆體朕至懷故茲詔示想宜知
悉

部題

禮部尚書黃士俊一本為民生日疲武備頽弛謹陳
足民經國之畧分別責成以濟時艱以襄治理事儀
制司案呈奉本部送崇禎九年三月初四日禮科抄
出南道山東道試御史陳學伊奏前事內開一曰士
子講習武備今天下亦多故矣一行作吏則半為民
牧半為將領倘非有文經武緯之略能勝其任愉快
者乎則今日士子即異日命吏與祖宗庠序之儒

官設立射圃得無怠平今欲使矜紳之輩諳練武備
祈勅提學官於考之日後塲間試以武經論策及
道府發案之後除六等生不許預餘有留心疆場精
通騎射者報名登冊先示之期提學官暨諸守令學
師明試之演武公所果能百步命中技勇絕倫其文
藝原考一等者即授幫補二三四五等依次遞授以
示激勵至於鄉會泮雋之日試錄上註明精通武備
數字於名下以供嚴疆邊才之選况士者四民之首

也生儒既各競奮則鄉勇益思鼓舞委弱不振之積
習必有煥然一變者固可使強矣等因本年二月十
九日奉 聖旨奏內條列各款亦俱切實該部看議
具復欽此欽遵抄出到部送司除貪吏等各款聽各
衙門具復外所有士子講習武備一款相應題議案
呈到部看得文事武備原無偏廢而況當四郊多壘
之日士子一司民社即已並干城此非平居練習講
求有臨事而後平應者臺臣陳學伊所奏士子講習

武備一款具見留心時務據稱提學官考試後場開
試武經策論及道府發案後有生儒精通騎射報名
卷冊聽提學官公同守令教官另試之果真有百步
命中技勇絕倫者不妨令別衡量其文藝考一等者
即與補廩二三四五等依次遞後以示鼓勵俱提學
官嚴加試驗不得以無騎射溫胃庶澤宮較射之典
今茲再見而章句之儒皆可備禦防之用矣統祈
聖裁 勅下臣部轉行各提學遵行

憲牒

欽差提學御史倪 憲牌近閱邸報該

禮部題為民生日疲等事奉

聖旨三場後覆試技射書算律云々欽此除候部文
至日另行外為照

國初建學隨設射圃文武兼籌良有深意乃承平
日久遂廢講習射禮視為贅務射圃亦任湮沒今
奉

昔生童鄉會進學俱兼較箭技各屬奉行者惟華亭
學楊教諭首為倡舉吳縣學胡訓導亦知講求餘
未見舉行擬合通行清園興舉為行府轉行所屬
并儒學即查泮宮原設射圃要見某學基址見存
某學荒蕪湮沒如有豪強侵占起蓋房屋立時拆
毀公同丈量舊址照原修造仍諭令諸生自備弓
矢定期赴學教官督同演習此係煌々

明旨非比泛常慎勿遲違等因到府擬合仰縣轉行

為此合行故牒儒學遵照來文事理即查學內原
設射圃基址或係現存或係荒蕪湮沒倘有豪強
侵占立時拆毀丈量隨諭令諸生自備弓矢演習
毋違頒至牒者

欽差提學御史示 為申明學政事照得

南畿為人文淵藪而數郡尤科第聯翩本院承

聖明作人之意為首善風化之先自惟秣矚勉克

事凡

卧碑

欽條開載詳備兢、遵守邇以故常相沿弊竇滋開
更取其最關切者一再申飭

功令森嚴共多士圖之計列於左

內開一欵

一習武備

文事武備車二輪鳥二翼也古以合而強今以分
而弱今 國家多事虜賊交誼

聖天子不勝拊髀之思勅學宮以騎射參文藝並收
至鄉會兩場俱以馬步箭方許中式洋々

睿旨嚴切奉行本院考試之後另期會同守令教官
明試之演武公所果能命中合式生員依次提等
童生拔置前列間有精韜鈴嫻攻守膂力瞻略出
衆者提調官延訪開報本院立為
題請以儲登壇之用

習射說

夫射為君子所有事。故其義散見於六經史書。以及
國朝列聖之掌故。寔明且備焉。自弧矢星見於天文。
軒轅黃帝之臣。揮作弓。夷牟作矢。舜之臣。羿掌射。王
者有事於蒐苗。射矢既同。決拾比。以講武事。諸侯
有功。錫弓矢。以專征伐。設鍾鼓歌彤弓。以享之。公劉
立國。裘索囊。張弓矢。思輯用光。規模固宏遠矣。魯承
周公後。尚德黜功之國也。角弓束矢。以張膺懲而幹

不庭。誰能廢之。弦木為弧。剡木為矢。以威天下。義取諸侯。則易所載也。司馬失掌六丁四弩八矢之法。則周禮所載也。孔子觀於鄉射。退而與門人習射於矍相之圃。觀者如堵墻。使子路執弓矢。出延射者而告之。又使公罔之衷序點揚觶而告之。首點奔軍之將。特崇孝弟好禮之士。以藝為招。寔以德為的。則射義所在也。天子以騶虞為節。諸侯以騶首為節。卿大夫以采蘋為節。士以采芣為節。明乎其節。求不失其事。

則射者以觀德也。為人父者以為父鵠。為人子者以
為子鵠。為人君者以為君鵠。為人臣者以為臣鵠。各
射其鵠。求各盡其志。則射者所以釋志也。諸侯歲獻
貢士於天子。天子試之澤宮。其容節比於禮樂。其多
寡秩於祭祀。則射者所以擇士也。數與於祭而諸侯
有慶。數不與於祭而諸侯有讓。數有慶而益地。數有
讓而削地。則射者所以射為諸侯也。大抵上古射法。
內正外直。祈兼收於藝之外。中古射法。以力以巧。僅

角勝於執之中。觀德不可望矣。即以巧力論。小可以
衛禦一方。大可以折衝四海。有國家者所必借也。
高皇帝漢金戈鉄馬中。洗胡元之腥穢。芟除之始。常
御戟門試騎射。諭之曰。汝等知力乎。其力能至百
步。百步之外。又加五步焉。不能入矣。故善射者。求中
於百步之內。則力無敗折之虞。猶馭馬者。其力能至
百里。百里之外。加十里焉。則馬力疲矣。故善馭馬者。
不盡其力。則無蹶傷之患。蓋

神明之聖。不遺弓馬之細也。以故洪武三年。特用工部製射器。定射儀。詔國子生習射。二十年。又命闢射圍。給國子生弓矢。二十三年。又詔祭酒胡季安。與翰林官。考定射法。頒之天下。學官而於太學尤備。

文皇帝嘗駐蹕隰寧。召英國公張輔。安遠侯柳升。寧陽侯陳懋。隆平侯張信。應誠伯孫亨等。就營中馳射。上親觀之。惟輔升懋連中。餘或半中。孫亨不中被罰。罷領兵之任。張信託疾。降充辦事官。仍面加諄諭。不

少寬假。一時官軍子弟。懲此有加。乃若洪武三年詔。郡縣長與博士。率子弟員。朔望行射禮。八年改每月。上下旬各習射三日。此郡縣諸生之射也。嘉靖中。呂祭酒課諸生肄射。乃即彝倫堂行之。此太學生之射也。兩者各有圖式儀註。月有課。歲有程。以中否多寡。為賞罰。擇其良者。上之司馬曹。或襲爵。或欽依。或資邊腹効用。否者罰俸之半。三年再比。如故者。概不錄。今舊制雖存。而寔亡矣。射圃非蕪蕪。則鞠為茂艸矣。

青子衿見廟不謁倚席不講而射可知矣士為民
首射又為諸執之首。嬉情若此而編氓又可知矣夫
以

二祖創業開統日夕講武聖子聖孫威靈震疊罔所
不稟承獨射圃射法不行常反覆思之而莫解其故
語云四郊多壘卿大夫之辱也今建挿盜邊流寇發
於秦晉之墟當事者恨不得死士五百君子六千以
消聖明之宵旰然練兵自練膽始練膽自練氣始練

氣自練射始。漢文帝戎服親御鞍馬。選將士馳射上林。唐文皇謂諸衛將卒曰。朕不使汝曹穿城築苑。專習弓矢。居閒無事。則為汝師。突厥入寇。則為汝將。日臨試顯德殿。射中多者。將帥加上考。其次頒賞刀帛有差。宋太祖閱射於殿廷。習射於城西。真宗會闕塲於東武。而今非其時乎。則請勅中外文武。宴備而宴修之。有李愬之故事在。李愬為魏文侯守上地。令曰。民有狐疑之訟。令射的。中者勝。不中者負。於是民皆

奸習。遇敵大敗之。今守令不可倣而行乎。又有崔安
潛之故事在。崔安潛為四川節度使。奉遣大將齊牒
募驍壯。教以洪州弩法。號機弩營。而蜀兵轉弱為強
矣。今撫臣監司不可倣而行乎。又有種世衡青城故
事在。世衡懸金錢募射。中錢即掇錢以去。轉相誇
耀。無不以一當百。今參總鎮不可倣而行乎。昔匈奴
女直自稱騎射無敵。豈其伎倆果入。殊哉。蓋彼之
騎射。漫馬上生。馬上長。馬上習。絕無他譌巧。而今之

羽林孤兒。及材官良家子。遇比藝始張。遇武場始
挾矢。若嚴悟之射訣。張宗之射經。王越石之射議。錢
師益之射格。張仲殷之射訓。曾耳而目之乎。嘆喑老
將。語焉而不詳。輕肥少年。習焉而不精。而望其穿三
札。洞十重。志其口則白。志其目則目。能乎哉。或曰中
國之技。火攻為上。短兵次之。烏用是弱。可纖繳為。不
知火攻利於上風。短兵利於相接。而殺人於百步之
外者。獨有射耳。呂布非射。何以解圍。元稹非射。何以

退蠻。薛仁貴非射。何以定天山之九子。孫臏非萬弩。何以梟龐涓於馬陵。虞允文非神臂弓。何以斃逆亮於采石。射之功用。莫可殫述。特以放牛散馬。橐弓戢矢。一切武備。以故事具文應之。有能申明。

高皇帝初制。自國學。以及郡邑諸學。自公侯伯子弟。以及衛所之千夫長。百夫長。自有司負役。以及邊腹之軍民。射圃有地。教射有時。督責有官。賞罰有法。在必行。必期于可久。不猶愈於募生兵。驅不教之

市人塗膏原野乎。不猶愈於召客兵。徵素養之驕卒。
擾亂地方乎。不猶愈於團練鄉兵。拘按丁抽派之里
甲。騷驛問閭乎。自食其食。不獨蔽兵於農。而士農商
賈。無所不截。自雄其伎。不必仰給於公。而器械弓馬。
無所不給。人自為怒。家自為閭。鄉里有事。則利在一
方。勇於私鬪。則習於公聞。國家有事。則利在天下。其
為便計。當復何如。昔陸九齡。休暇則與弟子適射塲。
習射。曰。是男子事也。自是里中不敢鄙弓矢為末務。

歲儉多剽略。或睥睨其家。輒握手相戒。是家射多命。中無取死。九淵聞靖康事。乃前去指爪。出精弓馬。每云。今人高居優游。乃懷安。非懷義也。寔為可耻。守荆門。平居教射。不止兵伍。郡民遠近。皆得同賞。盜不敢近。此非先達事乎。夫同仇之誼。豈不在念。但力不加耳。兼資文武。昔人所珍。俯仰今日。何可復得。夫文士畏蒞相尋。不一當虜者。章縫磨之也。鉛槧困之也。歲月消磨之也。其小人則莫與之言也。即言而未必有。

意作率之也。即作之率之。而未必此效彼尤。共相勸
勵也。誠使力行鼓舞。所在有備。其於國家。豈曰小補
哉。

雙圃小史曰。張公諱心鏡。典試江右。留心射事。進
稽古禮上通。皇章用以程士。經濟宏確。文正公
以天下為己任。信非欺我列之篇端。以告同志云。

射書卷一

尤起求震伯

胡憲昭通光

西神翼圓顧烺銘栢集

全訂

賈允修樹聲

湯浣懋新

射經

趙國公王琚

凡射必中席而坐。一膝正當垛。一膝橫順席。執弓必中在弣之中。且欲當其弦心也。以弓當左膝前。豎按。

席稍吐下。稍向前微令上傾。向右。然後取箭。覆其手。
微拳。令指第二節齊平。以三指捻箭三分之一。加于
弓亦三分之一。以左手頭指受之。則轉弓令弦稍離
身就箭。即以右手尋箭。腋下至濶。以指頭第二指節
當濶約弦。徐徐送之。令衆指差池如鳳翽。使當於心。
又令當濶。羽向上。弓弦既離身。即易見箭之高下。取
其中平直。然後擡弓離席。目睨其的。按手取弓。下引之。
令滿。其持弓手與控指。及左膊肘。平如水准。令其肘

可措盃水。故曰端身如幹。直臂如枝。直臂者。非初直也。架弦畢。便引之。比及滿。使臂直是也。引弓不得急。急則失威儀。而不主皮。又不得緩。則力難為。而箭去遲。唯善者能之。箭鏃與弓弛齊為滿。在平弛之中。為貫盈。貫盈信美。而難成。要之。令大指知鏃至。然後簇箭。故曰鏃不上指。必無中矢。指不知鏃。同于無目。論之至也。或以目視鏃。一習慣。則馬上與暗中。不免乖誤。此為無術矣。故矢在弓右。視在弓左。箭簇則靡。

其稍壓其肘。仰其腕。目以注之。手以均之。心以趣之。其不中為何也。又曰。矢量其弓。量其力。無動容。無作色。和其支體。調其氣息。一其心志。謂之楷式。如此五者。為上德。故曰。莫患弓軟。服當自遠。若患力羸。恒當引之。但力勝其弓。則容貌和發。無不中。故始學者。先學持端。須能制其弓。定其體。後乃射之。然其的必始于一丈。百發百中。寸以加之。漸至于百步。亦百發百中。乃為術之成。或升其的于高山。或致其的于深。

谷或曳或擲。使其的經橫前却。所以射禽獸與敵。凡
弓惡右傾。箭惡直懦。順惡傍引。頸惡却垂。胸惡前凸。
背惡後偃。皆射之骨髓病也。故身前竦為猛虎方騰。
額前臨為封兕欲闢。出弓稍為懷中吐月。平箭濶為
弦上懸衡。此皆有威儀之稱也。

又曰控弦有二法。無名指中指壓大指頭。指當弦直。
豎中國法也。屈大指以頭指壓勾之。此胡法也。此外
皆不入術。胡法力少利馬上。漢法力多利步用。然其

持妙在頭指間。世人皆以其指末韻弦。則致箭曲又傷羽。但令指面隨弦直豎。即脫而易中。其致遠乃過常數十步。古人以為神而秘之。胡法不使大指過頭指。亦為妙耳。其執弓欲使把前入挽。把後當四指本節。平其大指承鏃。却其頭指使不碍。則和美有聲而俊快也。射之道備矣。

射論增定

弓

凡學射。先須擇弓之稱手。若手強弓弱。則手欺弓。若手弱弓強。則弓欺手。皆所不可。然初學。寧使手有餘力。

置弓。須擇其胎直筋舒。膠勻乾透。即是良弓。體段。但新弓。須是張而調之。偏者。使歸於正。斜者。使歸於平。曲者。使歸於直。如病在死。則以火調死。病在閃。則以火調閃。病在腦。則以火調腦。或以刀磋之。又或以兩

身書
手開其腦。兩膝制其閃。皆可。更宜烘焙得法。安置平正。

弦

凡弦太長。則慢而無力。太短。則木而不發。箭太粗。木且難出扣。太細亦無力。且不耐久。須要適中。

矢

凡矢要看其斡。不頭大脚小。不此輕彼重。其扣不緊。不蕩。其翎且整且固。然後用之。亦須與弓相稱。弓重

則矢亦重。弓輕則矢亦輕。若矢輕于弓。則必跳躍。矢重於弓。則不能到。亦須烘焙得法。安置平正。

張弓

初學宜將弓空張。併習容止。俟空張既熟。容止亦端。乃可引弓。若遽然發矢。則力不出。心又亂。諸病豈可除乎。

身勢

立脚須不丁不八。前脚雖一直對靶子。乃直挺勿曲。

五
後脚須曲而向前。蓋惟後脚曲向于前。則非但無尖
臀之病。且又有腰力。然身勢大槩有二。全身壁立引
弓。謂之大架。人皆難之。蹲足直腰引弓。謂之小架。人
皆易之。然塲中各泛其便。惟射賊宜大架。不宜小架。
蓋蹲足而射。則賊見而防我。惟全身壁立引弓。便
賊不及防也。

執弓

弓把上段。可留六七寸。通矢。即以掌心頂把。猶如握

卯。不可橫把。若橫把。則指不着力。把持不固。每箭打袖。第三四五指緊。擊犯。大指恣力追緊。壓着中指。第二指豎起。指尖點在犯前之上。不可伸出。蓋食指尖點犯。亦有扶助之力。而不伸出。斯無礙弦之病。近多四指總握。雖非正法。苟能熟之。亦可。

搭矢

先着矢翎在上。即入扣。須前手低四五分。後手高四五分。蓋前高後低。則發矢水平而不搖。矢亦顧力之。

強弱何如。力強自能速到。後手宜高。若力弱而後高。則矢不到把矣。須放平些。宜自家時。酌量。後手大指鉤弦。將食指鉤大指。然食指尖。須直向於下。若橫斜。則致鉤弦。而發矢偏於把右矣。食指內節。一直傍矢。不可太逼。蓋惟傍矢。則矢不落地。而不太逼。則矢不曲向右。或以中指鉤大指。而直伸食指傍矢。又或以食中二指鉤大指。雙鉤亦各從其便。

發矢

發矢須知箭在弓右。視在弓左。箭在於手。視在手的。
若視箭則不中矣。須右眼看左眼。左眼看定把子紅。
日。左手提起弓。左臂與左肩。皆轉向于前。務令臂肩
與身一直。執弓碍眼。直挺如拒。牢不可動。右手扯弦。
須傍耳邊扯來。慎勿挨胸抹奶。後手及後肩。與前臂
前肩。一直如線。見得弓滿。又拳正對日中。即着力一
準。蓋自持弓矢之時。即當審固。及至滿而將發。最要
倍加精神。愈審愈固。務求滿而愈滿。正而又正。斯可

至可中矣。然太遲久。反至臂力耗竭。發矢無力。又多
吞吐。

又發矢時。須兩手齊分。前手一擊。後手一擊。不輕不
重。無先無後。則矢疾而不偏。若中箭多在的左。必前
手用力過猛。中箭多在的右。必後手用力過猛。故只
要兩手齊分。自熒疾速。且不偏也。熒前手之分。必自
肩而臂而拳。一齊進力始得。若止用拳力。則矢非大
即開矣。

又射要遍身着力。却無着力形狀。不頭引。不頭垂。不
咬牙。不傾背。不斜眼。切視。不動容。作色。不矯手頓足。
不搖擺。輕跳。

射後

發矢後。須觀其落頭何如。或中。或不中。或大。或小。或
開左。或開右。其大也。得無所主。太高乎。搭矢太平乎。
其小也。得無矢不滿乎。前後手欠力乎。或搭矢太高
乎。其開左開右也。得無所主。欠中乎。前手搖動乎。後

手食指鈎弦乎。或在風右風乎。或後脚過左過右乎。識一病。即改一病。處既除。好處自生。

又閒常要操練手臂氣力。時時對柱挺直。使之堅固不鬆。

又閒常要凝眸定目。先望五十步外。漸及百步外。以一物作準。看得其中明。白。雖細微處亦若粗大。久之則精神注射。睛光無不凝聚。瞻視自然分明。臨射時乃得矢巧矣。

又射時遇左風。即迎左而射。遇右風。即迎右而射。此
法固然。要之一遇有風。前手極力一擊。後手極力一
擊。則矢之去也實而不虛。雖有風不動矣。其為風飄
去者。特矢虛耳。然則因風而迎左迎右。不若因風而
力擊力擊也。

又用力有先後。有徵驗。開弓之始。前臂着力。將滿之
際。兩臂齊力。則胸前骨開。背肌肉緊。若胸背無徵驗。
必兩臂未齊力也。

又臨射時。手足臂目各要定位。如以的為主。前拳對的。目在拳之上。的之下。前臂在目之下。前足在拳之下。箭在頤之下。後手在右乳之前。若繩之直焉也。

又所謂彀者。謂引弓至拳間。一直如線。後手已盡。更不能復來。其鏃却到指上。此便是彀。若臂肩未盡直。鏃已上指。亦未是彀。當更用長箭。若臂肩已直。後手已盡。鏃未上指。當用短箭。只以鏃到為期。又不可以引弓之初。先將前手挺直。後手又不能拽開。以致拽

至前脇下。無可去處。便以鏃上指為毅大非。

又按弓之時。須屈右手名小二指甲入掌心。及臨發之時。五指着力齊放。反掌向後。則脫而易中。其至遠過常。若右手小名二指不緊。發亦無力也。

又弓稍直上。謂之豎弓。橫平而射。謂之橫弓。要不若弓稍向前略斜。不平不豎。如斜月之狀。為妙。

又箭射去。須要實而不虛。實者。弦響箭到。疾緊而平直也。凡空中只見一點黑影來。實也。力能洞堅穿扎。

人不及避。見鏃見羽者。虛也。箭去無力。人可躲閃。即或着物。不致透傷。若遇有風。實則乘風愈迅。愈堅。虛則飄揚不定。隨風偏左偏右矣。

又射須一壓一緊。壓者存其前手也。的不拘遠近。箭不論長短。俱要存其手。以壓之。箭方平練。今見箭不及到。遂舉其前手以就的。弊必至于後手不緊。而拙高矣。須知箭發到遠。只在後手一緊。前手不必擡高。自然平練而神速也。

又當場對射。有監射各官在上。須如平日自射一般。慢。一枝知鏃。一枝。一枝審過一枝。如何不中。即射至五矢外。猶未中的。更要從容審決。不可因其不中而自忙。則六七八九矢。更無中理矣。

又對敵射箭。只是箇膽大力定。勢險節短。則無不中人。無人能避矣。此狀形容不出。大端將弓扯起。且勿盡滿。且勿輕發。只是四平架手立定。則勢自險矣。必待將近數十步。約我一發。必能中敵。必能殺人至死。

或患將切身。或遇賊先鋒。一中而收利十倍。則節自短矣。馬上之賊。只當看大的射。不可射小人。諺云。射人先射馬。擒賊必擒王是也。

又射以力為本。以法為主。力強之人。以力用法。則箭平而疾。惟力弱人。尤不可無法。箭雖稍高。亦自不失。正鵠。

射法十四則 增定

習力挽弓

法曰。莫患弓軟。服當自遠。蓋習射之始。必須積挽。其
法以木弓三四斗。挽少至多。不可驟越。積至弓服。然
後加以斗力。推而上之。至一石止。蓋石力人皆有之。
可勉而及。挽力既進。則架箭以試其滿。弓欲弱。箭欲
長。弓弱則易至滿。箭長則引滿有餘。當場射之。可無
剩矢吐矢之患。

服儀取箭

法曰。遠之能。近之功。蓋挽力既進。然後習以左手連
雙箭。夾弓而執箭。筈齊上。猶上三指實。下二指虛。其
箭自偃。以右手下三指仰抹取偃箭。至箭之半。即以
小指勾定。推近鏃。分寸之間。次以食指勾其上。箭控
筈上弦。不可以目視筈取。凡取箭之體。須側右手於
右。則不撞靶。不視取筈。則恐不真。不真則不能及。強
揣摩久之。則又非式。恐有落架脫弦之病。必控筈之

際。以食指包韌。其筈縱未遽入弦。可以一移而無脫落。先習於十步之內。百發百中。然後增而上之。至百步止。此古善射法。

正容立勢

法曰。前手如托太山。後手如抱嬰兒。前足如踏雞子。後足如踏蝎螻。丁字不成。八字不就。謂手欲前直而後圓。足欲前虛而後實。前足尖對的。後足橫。則有力也。左膊惡高。右膊惡下。頭惡傍引。頭惡却垂。胸惡前

仰背惡後。偃肚惡凸。臀惡高。力勝弓。則容貌閑和。弓勝力。則體動神疲。蓋射以和容為上。主皮次之。其或撮口挽弓。瞋目牽箭。斜視其的。架挽失容。一身態度。尚不能持。又安能求中。

持弓審固

左手垂下。微曲大指。羈犯第二第三指。着力把弓箭。餘指斜籠下。稍指左脚面。曲右手當心。右臂帖肋。以大二指扣弦。三四小指緊掐。不可帖大二指。始活潑。

法曰。朶在南時。面向西。右手投弓。左當弛。仍令箭筈兩相齊。

舉弛揆弦

欽身微曲。注目視的。左手輪指。坐腕弛弓。箭如懷中吐月之勢。續以左手第二指第三指靠心斜入揆弦。令弓上傳着右肩。然後舉左脚三移其步。法曰。舉弛揆弦。橫從脚輪轉坐。腕手微欽。上弣斜傳右肩膊。左手持把橫對心。

抹羽取箭

以右手三指丞下緊抵前四指五指鈎撮取箭先舉
左腳隨步當了受矢湊右手以二指按箭三指斜擡
箭四指五指向裏斜鈎左手二指三指羈絆掣箭至
鏃法曰前當弓犯一般齊三實兩虛勢漸離小指取
箭緊羈鏃抹羽入弦無暫遲

當心入筈

右手第二指緊控箭筈大指捻筈當心前手就後手

抄簫入管。左腳尖指垛。腳跟微出。右腳橫直。鞋袂對
垛。淺坐箭管。左手第二第三指坐腕。羈前。雙眼斜覷。
的。注曰。右手二指抱箭管。兩手相迎。穩入弦。捻管當
心斜覷。貼緊夾。兩膝直如僞。

鋪膊牽弦

輪指把弓。推出前手。微湊右手。兩臂稍曲。不可先直。
左手持弓。空第二指。過弓。弛節上。大指面緊着了。弛。
監起指節。餘指實握緊。左右膊。左右膝。着力同。法曰。

前脚推下若推山。右手彎弓緊冠弦。兩臂稍曲不侵
盡。文章須用緩投肩。

歛身開弓

以左手第二指知箭靶外觀帖。側手引箭至鏃。大指
靠定血盆骨為進。凡鏃與靶齊為滿。進半靶之裡為
貫盈。貫盈信美。難有及者。大抵脇肋腳膝着力亦同。
法曰開弓發矢要歛身。靶外分明認帖真。箭上肘翻
雙膊聳。脇肋腳膝力須勻。

極力遺箭

疎腰出弰。上弰盡地。下弰傳右膊。後手仰腕。極力壓。
後肘過肋。倚後手向後。前手猛分虎口。着力向下。急。
捺轉腕。以第四第五指緊鈎弓。弛。兩肩凸出。則箭力。
倍勁。法曰。弰去猶如搥斷。弛。箭發應同。撚折弦。前弰。
畫鞋後靠脊。極力遺去。猶自然。

指弰搭箭

必前後兩手相迎。直右手過胸。曲左手捲弦。以左手

第二指抹箭。前脚鬆。聳身稍歛。斜眼覷帖。曲右手帖肘。以左手第二第三指。側手羈韁。直右手。上臂仰腕。過胷取箭。法曰。右指羈箭。當胸出。左手。捲弦。稍靠肩。箭已中時。無動手。抹羽入筈。法如前。

遣放求親

法曰。射不入鐵。不知不發。射不入石。徒勞爾力。又曰。有力不親。不能害人。親而無力。不能入物。又曰。疾而箭狂。反被敵傷。親而箭遲。敵可閃移。三者射之要也。

蓋。苦。高。則。下。插。而。箭。斜。苦。低。則。上。插。而。箭。徐。弓。急。則。失。威。儀。而。難。中。弓。緩。則。力。弱。而。去。遲。昔。由。基。百。步。穿。楊。鎗。甲。七。札。精。通。于。神。唯。在。遣。放。遣。放。之。法。須。人。力。勝。弓。操。審。在。我。偃。其。左。手。仰。其。右。腕。箭。發。則。靡。其。前。梢。前。梢。畫。地。後。梢。附。右。膊。後。手。不。得。戀。前。手。不。得。連。身。不。得。動。文。牽。而。武。放。然。後。發。無。不。疾。無。不。親。無。不。毒。

凝神認把

凡把子在箭。或去六十步。七十步。八十步。為度。左手
拿弓。右手拿箭。九枝。面右背左。側身橫立。前肩對把
子。後肩直列。兩脚跟相依互站。前凌班齊。左手拿弓。
搭胸勿動。右手將箭。用箭較盛之。掛右腰間。右手取
箭一枝。挽上弓弦。歌頭橫弓。看親把子中心線。直截
至前脚跟底。文射足勿移。武射右腳撲凌。列齊站住。
勿使分寸參差。然後開弓。發箭。由胸肩直出。射六十
步。拳對把子中心。七十步。拳對把子頸項。八十步。拳

對把子頭上。務指親切。彎膝平坐。藏臀勒體。上身靠
後。右手挽弦。由目邊拽至耳邊。務使後拳對前拳。前
拳對把子中心。一直如矢。右手再稍緊撒。手緊則
箭若流星。撒手鬆緩。則擺搖不遠。若走把在一尺。後
跟那後半寸。走把右二尺。後跟那前一寸。射大存于
小。射小加于大。存壓其前手。加舉其前手。務取水平。
前後手一齊着力。如是依法習熟。則百發百中。決無
指東走西。或遠或近之失。

治心調攝

法曰。得之於心。應之於手。蓋心一不治。射無中理。凡射有十不可。他想不可。他憂不可。奔走而至不可。醉不可。饑不可。飽不可。怒不可。不欲射不可。射多而不止不可。爭奮不可。戒此十者。則不徒射矣。射中勿喜。喜則心易反蹶。射不中勿憂。則心惑無主。手執其弓。弦安其箭。目注其的。心實運之。平居暇日。當調氣息。節飲食。避寒暑。持喜怒。誠嗜慾。此射之至要。

射機八法 增定

一曰立

立步法也。二足直立為高架。二足稍開為中架。兩腿跨開蹲下為低架。家數雖殊。第因時制變則可矣。凡射。須內正外直。前腿如楸。後腿如癰。左肩直對右腳尖。丁字不成八字。不就是也。故步法首焉。

二曰持

持。拽弓也。架箭如弦上懸衡。開弓如懷中吐月。前手

持弓如虎爪。後手架箭如鳳眼。雙搭扣。滿拳射。便于初學。前手肘窩要轉。臂膊要直。後手引弓要近身。兩手先寬後緊。左手如抱兒。右手如附枝。則此意也。

三曰審

古法曰。高低隨遠近。左右在機。斟書曰。往省括于度。此審字法也。高低隨遠近。云者。步數有多寡。臂力有強弱。注定前鏃于標的之中。推移加減于分銖之際。箭有拂耳拂頸。挨胸摸乳之名。拂耳者。捉弦拽及耳。

下而發之。此水平箭。十中其九。拂頸者。投弦拽及頸
邊而發之。亦水平箭。稍高者。十中其六七。挨背摸乳
者。投弦拽下胸乳之次而發之。箭最庸下。飄揚高越。
力強則過把。力弱則不至而墜地。可中不可中者。此
也。蓋至于殺而滿定其限者。射之常法。調停分銖。加
減于箭鏃毫末之間者。射之巧法也。左右在机斟云
者。如五人為伍。以中人為主。左右各有二人。其在中
者。平直向前。不待饒減。如前一位。則第二人也。斟酌

箭鏃。法宜饒左半分。前二位。則第一人也。斟酌箭鏃。法宜饒左一分。所立之處。饒半分。到把則三尺許。適在把中也。饒一分。到把則六尺許。亦在把中也。後一位。則第四人。後二位。則第五人。身居于左。則宜饒右。如前法。此機斟法也。机斟一定。又知左風右風順風。關風之辨。而斟酌其饒減。則所中有常矣。省括于度。云者。前奉執了碍眼。注定箭鏃于標的之中。遠者宜稍加。近者宜稍減。饒左則減于右。饒右則減于左。辨。

千分銖只爭毫末。疾徐合法而後發之也。然省不特斟酌。既減于發矢之際。雖既發後。其中也。審所以中之妙。其不中也。審所以不中之病。注射而觀之。清夜而思之。得其妙而固守之。知其病而切戒之。開弓有獲。百發百中者。得于心妙。而應于手法。則熒也。

四曰滿

開弓至鏃謂之滿。又云指不知鏃。同于無目。指乃左手中指末也。知鏃者。指自知鏃到。不假于目也。必指

末知鏃。然後為滿。必箭。知鏃。然後可言射。不取其
速滿。亦不取其遲滿。若速滿。把持不定。有打手復吐
之病。若遲滿。力疲而不堅也。用怒氣而開弓。息生氣
而發箭。是也。

五曰固

滿而不吐出箭頭者。謂之固。犯者多矣。立站不正者。
不固。兩手不先寬後緊者。不固。前手肘窩不轉。臂膊
不直者。不固。前手把持不定。後手引弓不近身者。不

固。骨。不。開。脊。肉。不。緊。者。不。固。能。明。一。開。弓。兩。開。弓。之。辨。則。知。固。之。妙。矣。一。開。弓。者。左。手。執。弓。前。挺。勢。如。拒。人。莫。之。搖。動。右。手。捉。弦。依。傍。左。手。拽。來。滿。定。其。限。斟。酌。遠。近。加。減。于。箭。鏃。之。分。銖。而。後。發。之。左。手。則。只。挺。前。如。拒。不。知。其。發。曰。不。知。者。狀。其。定。而。不。搖。也。此。一。開。弓。法。十。中。其。九。一。不。善。用。則。臂。死。而。力。老。也。然。不。失。固。字。之。義。兩。開。弓。者。左。手。前。撐。右。手。後。扯。弓。雖。滿。而。猶。道。矢。欲。發。而。更。拔。兩。手。齊。分。得。身。于。前。撒。手。

于後通身是固也。一不善用。則使作過猛。且力弱而不能久持。大非固字之義。其命中者幾希。

六曰用

箭未離弦謂之用。不上不下。不左不右。跟箭之一線而用也。斜弓須用撇絕。直弓須用鳳點頭。兩手輕動。箭已離弦。不謂之用。必待指末知鏃進一分。一分之用也。古射法曰。箭不至鏃。不可言射。又何為用乎。

七曰發

箭已離弦曰發。多有搖擺之病者。何也。前手用。後手不用者。箭頭上下搖。後手用。前手不用者。箭羽左右擺。弓強力弱。箭多偏左。又有損扣者。乃後手逼扣之病。左手如拒。右手附枝。右手發之。左手不知。則無搖擺之病矣。

八曰中

箭至的。其把謂之中。取其中把之中。而能命中為妙也。審而不固者。不可以必中。固而不審者。不可以必

中。前手。脛不直。後手。鳳眼不清者。不可必中。生弓。不可必中。生疎。不可必中。弓強矢輕。不可必中。弓弱矢重。不可必中。氣驕志怠。不可必中。心神恍惚。不可必中。射多力疲。不可必中。見已之病不改。不可必中。好勝之心甚。不可必中。怯懦之心生。不可必中。

射法四論 秘授

論不遠病處

發箭不遠。其病非一。或弓軟無力。或弓硬不靈。或弦太長而欠健。或弦太粗而欠脫。或是箭短。或是箭重。或是翎不整而幹曲。弓矢既調。然後論兩手。或前手所主太低。或鬆而打袖。或搖而不固。或後手過高。或三指爬入掌心無力。或食指曲而鉤弦。或大指呆而不脫。或引弓未滿。或滿而臨發之時。又走出一二寸。

識得一病。便要改除。千言萬語。無過緊之一字。

論不中病處

箭去不中。其病亦非一。若調其弓矢。准其苗頭。其開左者。或前手所主過左。或後手過開。或後腳過前。而後肘不直。其開右者。或前手所主過右。或後手過逼。或後腳過後。而後肘不出。或前手對把。後手不對把。或箭頭對把。箭尾不對把。或前手動去時。不得自主。或後手滯。臨發倉皇無措。或左風右風。或前勤後惰。

或氣粗志滿。或力倦神馳。須聚精會神。沉思熟省。改除前病。總之法在從容審的。前後正直而已。

論力在盡擊準法

凡射至定力。若有力而不得用力之法。則不滿遂不得至矣。故擊準是古來射家妙法。然僅後手極力扯進。是能準不能擊。僅前手極力伸出。亦是能擊不能準。反致矢搖而不正。須是八分滿時。前手徐徐伸出。後手徐徐扯進。兩拳筋節。至於無可加處。又不露形。

不着迹。則箭去疾而穩。加尋常數倍矣。

論巧在盡正直法

凡射中是巧。若欲巧而不得用巧之法。則不正遂不得中矣。故正直是古來射家妙訣。然僅視的而不視鏃。是不正矣。烏得言直。僅視鏃而不視翎。是不直矣。又烏得言正。反致執老而不疾。須是八分滿後。從的視至鏃。從鏃視至羽。兩目精力。亦至無可加處。又不躁急。不遲緩。則箭去正而定。亦超尋常數倍矣。

正謬篇 秘授

擊準之謬

談射者言左擊右準。以為非擊準。則矢不平直也。曰否。握弓引滿。手力已竭。骨節已極。何從擊準。間有蹇者。必不在發矢之時。而在發矢之後。強為是觀。美云爾。於射何益。胡人射獵。強半皆上搭。上搭矢在弓左。惟胡人為然。華人絕無之也。上搭亦擊準耶。設云力尚有餘。骨節猶能舒展。則終屬未滿。未有不殺而可。

言射者。然則求直乎。求何。曰。審固而已。有握固之固。有周身罄力之固。能固而後能審。固且審。則不求平而自平。自擊。擊之說興。而固字置之不講。惟不固。則體勢聳動。或臨滿吞吐。或皇遽速遣。或括臂占袖。甚或併審忘之。皆擊。擊之說誤之也。古有云。前手如拒。後手如附枝。後手發之。前手不知。非固何以能拒。非固何以能不知。曰。不知何以須擊。擊。旨哉言乎。盡固之義矣。盡審固之義。則盡射之義矣。

指知鏃之謬

或曰。指不知鏃。同于無目。夫知鏃乃能知的。知的乃能中的。此射之要機也。而謂以指知鏃則舛甚。何也。知鏃者。不以指而以目也。今目不知而指知何也。以其不見鏃也。其不見鏃何也。引弓之際。頭容却垂。目為前手所障。雖天空地闊。而竟不知鏃的之在何所。故不得已而寄目于指。是以射法有四惡。曰頭惡。却垂。顧惡。傍引。背惡。後偃。却垂則必傍引。前

凸則必後偃。四惡相因而鏃的茫然矣。知鏃奈何。引弓之始。欠身而頭容稍前向。以目擬于箭羽之傍。由羽而見桿。由桿而見鏃。而見的。自羽至的。一目可觀。奈何于指上求之乎。夫射力在手。而巧在心目之間。以心運目。以目運指。未聞心目反運于指也。或又曰。鏃不上指。發無中理。夫鏃不上指。乃為未發。止力弱耳。世之未發而中。數反勝於能發者比。可云無中理哉。但責其命中於烈風之中。貫革於百步之外。則

歆然耳。

矢搖之謬

或曰。矢搖而弱者。鏃不上指也。殊謬。鏃不上指。矢發不能洞堅已耳。胡為忽自動搖。夫動搖之故。大率干發矢之際。或括臂占袖。或指端拂弦。或後手太緊。挽弦使曲。四者有一於此。則弦激。弦激而矢隨之搖矣。矢之搖否。應於弦。與鏃何關。故謂鏃不上指而矢弱。則可。謂鏃不上指而矢搖。則不可。

弱弓猛力之謬

強有力者。或習射弱弓。云恚力遣之。矢當自行。又云
弓弱而能竭周身之力。則矢疾可與強弓等。不知強
弓乃堪恚力分解。謂弓力能與人力抗也。以弱弓而
用猛力。弓不令抗。弦隨手來。弓稍后弭。來猛而去緩。
中途矢墮矣。見其不能及的也。愈奮其猛。愈猛而愈
墮。是必斃之理也。夫力強而弓弱。當專精求固。劑量
而遣之。無使過猛。乃可及的。有人曰。吾善射。能使弓

弱而矢平。是自欺耳。此說歷試之人解者什一。不解者什九。蓋學力未至之故。造詣既深。當自了然。

緩引之謬

謂引弓之始。須悠々緩引。逮其將滿。則驟引而疾發。是說也。平時則可。臨敵則不可。臨敵緩引。則人再發而我一發。我矢未發而先為敵中矣。況敵人先知我所向。寧肯站立而待矢乎。車馳卒奔。勢甚飄忽。亦何容暇豫也。難者曰。驟發則不審。不審則虛發矣。矢石

相交之地。一發而虛。禍且不測。噫。是未嫻戰陣耳。當其對壘交鋒。相去不遠。命中易也。中一驥百。處勢易也。驟引固無損矣。所謂審者。必于臨發之時。非先審而後引。何暇于緩也。至若騎射。風雨之勢。尤宜疾上加疾。使人無容措手。乃為長技。若習緩引。即矢且不及發。何言中哉。若夫步騎之認的。則迥然各別。步射審于弓。起之右。騎射審于手背之上。其故何也。步射遠而騎射近也。設步射在三十武內。則與騎射同。是

又難為執一之論。

舍轡之謬

凡騎射者。類皆舍轡而馳。以此戲逐場中。猶且不可。况兩軍對壘。厚集其陣。轡不在手。馬必直馳。不能盤旋。一再發而驅入人馬之叢。不僵則仆。且毋論敵人之擊刺我也。故騎射必挽于後手。以便前面抽矢腰間。則換于前手。張弓則仍歸後手。雙換手有捷法。略無窒碍。與不換同。其法。湏面授可耳。胡人間亦有挽

轡于前手而不換者。華人所絕無。然轡在前手則韁
 必短。左右旋射甚不便。夫騎射舍轡者。豈不以挽轡
 而射。初學不便。姑徇其畏難之心哉。不知畏之則難
 習。之不過旬日功耳。第騎射之矢。較常矢必餘三寸。
 重須及兩。此何以故。前緩引條。所謂騎射審于手背
 之上。長則鏃在手前。可于手背間審的。重則能深入。
 可以洞堅。是又不必矢鏃上指。而骨節已自引滿矣。

破愚論 秘授

貪平愚

射貴平直。矢發而造橋。世所嗤也。然所貴平者。謂其中也。矢及的而鏃不下垂。其力尚可數武。是能洞堅及遠。故為名家。若低而不及。是求平而不求中也。亦何貴于平。心有此愚。則貪平之心。足以亂其命中之心。其一二偉中者。非不可觀。而不中者固多矣。矢一墮于的前。百無一大。遂為射家一大病。法云。寧高而

過的。慎勿低而不及。法豈教人以不平哉。正以破貪
平者之愚。而人自不察耳。或有力雄弓勁。然不及的。
正坐此弊。夫射期於中。則平亦可。高亦可。不中則
高固不可。平亦未見其可也。雖然。過的之高。非造橋
之謂。乃平發而矢自揚。斯所稱妙技也。

握固愚 握固非周身之固

今人悉力握弓。自為固矣。而矢卒不平且不迅。何也。
蓋愚于固。而不得其所以固也。夫握弓。止用力於大

指食指任其小指虛浮。是徒敝精神於射。何補見矣。
之不平且疾也。遂謂握固為無益。不知握固之道。必
浸小指以及無名指。中指次第捲握。掌心穩貼弓靶。
然後為固耳。

引滿愚

矢鏃及靶。人謂引滿矣。不知矢有長短。人有高矮。
以長人用短矢。骨節之用未及十之七八。亦謂之滿
也。短人用長矢。必其鏃之上指。胡可得乎。夫矢有

官制邊制之別。

官制二尺七寸、邊制二尺八寸、皆以小尺言、非官尺也、二制俱有鐵式貯

武官制稍短。邊制稍長。倘其人軀七尺。則邊制猶不

足引。寧可一例而拘。故以骨節用盡。不餘絲毫為滿。

則人。有引滿之分量。不可全以矢鏃為準。然其酌

量之法。則準于官邊二制。而增損之。乃為當耳。今但

以矢鏃上指為殺。而竟不究矣之長短。人之高矮。故

曰引滿之愚也。

低昂愚

今人挽弓而射。傍觀者見矢過的。必令低其前掌。使
下見矢不及的。必令昂其前掌。使高。以是求中者。愚
矣。夫兩臂挽弓。譬若懸衡。前手衡之紐。后手衡之權。
矢有大小。以后手為高下。手在順間。自曾及順。平日
定為分寸。欲有改動。循其分寸。以為低昂。庶幾適中。
不致過當。若前手無所憑藉。一低一昂。非過即不及。
雖間有適可者。要之終是意想測度。未為定見。不若
后手于胷臆之間。寸寸而移之。為有準則。若懸衡以

秤物輕重。移權以就平。顧不易。耶。使遠及百步以上。近止五十步以下。則兩手各當有低昂。又難執一論矣。

或問 秘授

挽強不及的

或問曰。今人挽強而力有餘。然不及的。何也。曰。此必前足太着力耳。前足過重。則軀向前俯。矢必不揚矣。焉能及的。否則犯貪平之戒者。

重矢洞堅

或問曰。子云重矢能洞堅。夫矢重則不能及遠。何為更能洞堅。曰。是不難解。試以石擲人者。驗之。今以兩

許之石擲人。其去甚遠。然中人而不為仆。以斤許
之石擲人。其去甚近。或有不中。必傷矣。此可例論
也。

騎射不貴遠

或問曰。古云射疏及遠。今騎射甚近。何也。騎射迅若
飛鳥。相迎者瞬息而近。則不必遠。射相左。或相躡
者。瞬息而遠。則須近射矣。凡騎射遠者。難中。不中
恐不及再發。故俟其稍近。乃發。度不中。則不發。膽怯

之夫望塵而發。比及交而矢已竭。故騎射不貴遠也。
習射自近

或問曰。習射者自近而漸遠。然乎。曰。射之為道。遠難
而近易。近則身勢手法。均為所局。自是而求遠。甚難
為力。凡事當自易以及難。惟射則不然。自近之說。必
未嘗體驗者也。

改移後腳

或問曰。舊箭改移。全在後腳。然乎。曰。非也。只憑兩手。

處。可中。有手可改。何必移脚。向使騎射。御亦可移乎。

改手

或問曰。射者擬的而發。而或偏左偏右。因其偏而加改手之功。改矣而偏左者仍左。偏右者仍右。此何以故。曰。此后手之開歛。不應于前也。后手過開。則矢必偏左。過歛。則矢必偏右。改前而不改后。猶無改耳。兩手相應。矢將焉往。

對的不殼

或問曰。張弓者。面牆而引。人不能殼。及對的。胡不殼者。強半也。曰。其弊有二。一則志在面中。旋引旋發。惟求速遣。不暇滿引。一則引弓既滿。用心審的。後手不固。隨復吐出。然二病總從生疎中來。平日未嘗攻苦。率意而射。所以臨時主見不定。意思倉皇。顧此失彼。故面牆則無心于中。而引無不滿。射的則一心求中。而失其故武矣。故必須熟閑。則能所向如意。

挽弱放輕

或問曰。有挽弱弓。輕放。全無動容作色。此可稱後手發之。前手不知乎。曰。不可。所謂發而不知者。言極其固也。今。隨手輕吐。其固安在。惟以弱人而挽弱弓。則亦罄其周身之力。固或在其中也。

騎射矢出腰間

余戚二公論騎射。皆云。以一矢掛稍。以二矢握于弓。犯而謂矢出腰間者。非。今。會轡條云。矢出腰間。何相

背耶。曰信如二公之說。握中僅容三矢。更無餘矢。設
敵人或四或五。將何以應之。况握中握矢。則握必不
固。未聞不固而可以應敵。惟以箭服弓。壺置腰間。其
法貯三十枝。或更多。帶以待敵。二公論場中較藝法。
此則統論射理及對敵法也。

矢鏃過滿不頂犯

或問曰。射者能引弓過滿。矢鏃過犯寸許而發。矢
皆賤。而卒不一頂犯。有何術歟。曰矢過滿而頂犯者。

以。後。手。指。端。逼。矢。括。而。矢。肩。就。左。故。耳。惟。平。日。習。射。時。務。期。指。之。直。而。不。逼。自。戔。以。慣。成。自。然。學。者。不。必。好。難。止。于。穀。率。中。求。之。為。當。

折衷篇

秋授

迎風

好勝者曰。風不能飄夫。可無迎也。工于求中者曰。我
藝實巧。能迎風之緩疾。以取中也。二者皆非定論。夫
強弓勁矢。又當逆風。不必迎者。為是設。或傍順風。而
迅。或暑濕。或樹的千百步之外。亦可堅執。不必迎之。
說手。故傍順風。則迎。逆則不必迎。暑濕猛風。則迎。涼
燥。則不必迎。射高遠。則迎。卑近。則不必迎。是在目觀。

而心領矣。

射架

挺立而射。俗呼為大架。俯偃而射。俗呼為小架。挺立者。指小架為陋品。俯偃者。詆大架為無力。愚謂大小之別。正在偃仰間。有何難事。偃仰並習。隨時所尚。則可大可小。無不如意。惟左右二射俱熟。施之於騎。不患馬之艱遲。不慮岩崖之窒礙。最為長技。習之甚難。非百倍其功。不能。

單雙搭

後手挽弦。有止以食指鉤大指者。名曰單搭。有以食指中指鉤大指者。名曰雙搭。然單搭較雙搭為更利。而性所不便者。雙搭亦無妨。必謂雙搭為力雄。則偏耳。

長短弦

南人好射長弦。而吳下為甚。蓋弦長。則括臂翻弓。諸病俱集。吳人以長弦而不為諸病所困。自謂能巧也。

邊鄙之士。習射短弱。以為弦短則弓穩也。南北用弦。長短各拘其俗。好勝者又各矯其俗。不期實用。予謂弦長則必洒腦。蓋以弦長而逼近弓稍。故弦發而為弓稍所當也。洒腦則弓力不盡。而矢不得行。尚巧者能免括臂翻弓矣。而洒腦之病。庸能免乎。弦短則諸病俱免。而弦之送矢不遠。不遠則人徒盡力于弦。而弦不得盡力于矢。故弦之長短。宜視弓之大小。自弓及弦。以中人之大指端。至食指端為準。小弓則弦稍

近靶以寸計之。大弓弦去靶六寸餘。而小弓則不足六寸耳。若然。則弓與弦相稱。而力必淫矣。此寸數亦以小尺言。

竹木矢

九邊之射。皆用木矢。惟薊鎮竹木相兼。而南方則不知木矢為何物。木矢有三。檉桿為上。楸桿次之。柳桿又次之。邊塞用木。蓋以竹產南方。遠不易致。故就其土產而用之。非遂謂竹矢質輕。不若木矢之重。而洞

一四十一
堅也。畢竟木矢亞于竹矢。至若射高遠。竹矢猶覺利。
捷。木矢便為沉滯。但射近。則彼此不甚相下也。

射法二十四要

附六要

手臂要練定。

眼睛要凝定。

弓要軟。

箭要長。

胸前宜吸。

腳立要方。

持弓要如握卵。

搭箭要如懸衡。

弓要稍側。

箭要平行。

前膀要轉。

筋骨要伸。

前肩要靠。

後肩要擠。

開弓要緩。

扯箭要滿。

後腕要仰。

後指要剔。

下三指要緊。

前弓稍要擊。

認帖要真。

用弓要熟。

出箭要輕。

放箭要速。

附

弓矢輕重要相應。

兩手擊筈要相應。

心眼審顧要相應。

扣弦寬緊要相應。

前手推弓要穩。

後肘扯箭要平。

貫虱歌

弓矢要稱習。

容止須端逸。

用力辨先後。

握指分虛實。

胃吸氣自舒。

肩藏力斯出。

膊轉筋纔伸。

背緊箭始疾。

審固認方真。

放速機乃捷。

前梢擊不知。

後指剔毋突。

勿怯亦勿驕。

用筋還用骨。

心一與氣閑。

久之稱貫風。

歌解

弓矢要稱習者。荀子有言。弓矢不調。羿不能以必中。
凡弓太硬。則手被弓欺。而撓巧不至。弓太軟。則弓
為力制。而發箭不行。弓生。則手不服習。而射去不
一。弓熟。方得心應手。對的不疑。箭太短。則筋骨局
而不伸。不能入穀。箭太輕。則射去飄幌。不能穩寔。
箭太重。則發去遲滯。不能及遠。必量力置弓。量弓

置箭。弓雖多。必認定數張熟習為主。方為稱習。斯稱善射之士也。

容止。須端逸者。射雖武事。比禮比樂。可以觀德。當場容止。必須端凝。內正外直。品定而後巧可見也。宜以一身壁立。毋動容作色。兩脚平分。不丁不八。前後不過。無分序立之前後。一站下。即以左肩左脚緊對把心。則舉手得把。而週身氣力自舒矣。用力辨先後者。射法宜于開弓之始。前臂着力。將滿

之際。兩臂齊力。如開弓之始。即將弓靶捏緊。前手
之力先死。而用之不出。及至箭滿。兩手俱虛。馬能
命中。必初舉手。毋太着力。待弓扯來自肩而臂自
臂而拳。漸々從骨眼裡緊來。臨發時。兩臂齊力。箭
出。則平辣。不可言矣。

握指分虛實者。左手持弓。法宜將下三指掌定。弓靶
虎口微鬆。待弓開。漸々緊來。臨滿上二指如鉗。櫟
緊。則前手穩妥。氣勢俱足。自然落膊垂頭。又必後

手應之。以下二指招緊掌心。勿令上三指太緊。則鳳眼寬。而無逼箭劈扣掣揮之病矣。

胃吸氣自舒者。射不吸胃。則前肩或挺或聳或凸。扯弓必不能滿。筋力安能盡展舒之妙。每見氣驕者。往往犯之。不可不慎也。

肩藏力斯出者。所謂藏者。引弓之初。令前肩微存一二分勢。不盡吐。直待搭箭扯弓。漸々展出。則力能自臂而達諸掌握。不犯打膊諸病。而得施審固之。

妙矣。

轉筋。絕伸者。射者。轉。斯肩窩虎口。節々相對。而前手方能伸直引弓。可得平滿之妙。不然。轉不轉。則筋不伸。筋不伸。則力不足。而箭去緩小。且不准矣。

背緊。箭始疾者。背緊者。机殼已滿。後臂骨向前。臂骨擠來。肩前骨開。背。心。肉。緊。乃。兩。臂。有。力。之。徵。驗。也。如是。則。箭。去。疾。快。非。常。不。則。兩。臂。用。力。不。齊。焉。能。

應弦而倒。

審固認方真者。射法中審固二字。於發矢之際。必倍加精神。使手足凝定。自有專視。然後發之。則我意已誠。箭隨意發。必得心應手。使巧力俱來也。放速。稅乃捷者。所云速者。非徒快也。乃帶拔帶出。勢險。節短。圓活。處之敏捷。從容中之神速也。用是則机靈。而箭去方能平衡直搗也。

箭。槓。擊。不。知。者。擊。者。非。以。拳。擊。也。拳。擊。則。涉。有。心。箭。

非開即小。所謂擊而不知者。蓋後手放箭。前手依然凝住。多之上梢。因其積滿。及已之勢。隨其自然。輕。向前直。一倒如是。則上梢指的下梢主脾。不去使作。而自然落脾垂頭。輕逸中箭去直而且勁矣。

後指剔母突者。扯箭必沒手腕。俟滿而始發。以大指。向後帶拔一剔。則箭脫去靈巧。否則突然墜下。或揪或擡。而重滯動搖矣。

勿怯亦勿驕者。當場之際。切勿以得失利害橫之於
衷。一有此念。則喜畏之心生焉。畏則怯。則慌張。
恍惚。手足失措。必恬然如常。便有幾箭不中。仍自
反求諸已。勿得自恥。賅後可望再中。不則愈慌愈
亂。不能復中矣。即使對的。易中亦必一枝加慎。一
枝方可望其不虛。不然稍有矜驕自喜之念。則心
放而氣浮。體認何能得真。欲其一、命中不可得
矣。

用筋還用骨者。射者之巧。總繇力生。善射者必一口氣。逆筋骨中。用將出來。使遍身有力。又不露出着力。的形狀。是射及發。發之神品也。若止以兩手扳扯為射。即幸得一中。其中亦不力。何足見稱耶。心一與氣開者。心為一身之主宰。唯一則精神凝聚。肯綮俱得。氣乃百骸之作用。唯閑則逆容暇豫。操縱自如。此一言乃射法中之妙用。總歸之旨趣。非可以淺近窺者也。

父之能貫虱者。昔紀昌學射於飛衛。曰。視小如大。
視微如著。而後告我。昌以犂尾垂虱於牖間。南面
而望之。旬日之間。寢太三年之後。如車輪。乃以弧
矢射之。貫虱之心。凡我同盟。如精心體之。有不紀
昌若哉。

箭訣歌

前手推弓緊攢。後手緩拽弓弦。偏歪准對在前。拳後
手湏分近遠。站立宜當步穩。脚跟緊對肩尖。開弓務

要審前拳。膀臂有窩如線。

前後手鬆若放。鏃羽必宜搖顛。胃前骨開臂連肩。齊
齊用力檢點。射箭不宜作色。囁嘴愁眉最嫌。饒君伶
俐要師傳。求精還須自勉。

射訣 秘授

射箭從來要的傳。開弓發箭在前奉。一奉對定紅心下。慢扯緊放是真言。

用盡工夫箭出門。出門不審無它分。先將氣力空使盡。箭去無法總不真。

審在弓滿矢發之時、非此際方審尤在此際凝神之極也、審以神、不徒審以目、

大小落頭拳起落。只怕兩手力不平。兩手一齊無輕重。懸風何愁不中心。

前手力大後手鬆箭出由拳決向東後手力大前手
鬆箭去由西無定踪

後肘如援虎尾
後手如握爛杏

前後由來兩力齊裡推外裹是玄機立開卧放能合
式鏃去如飛又主皮

人高身高箭行高欽身小架記須牢拳起不許過肩
上手膀平行直到腰

誰說關弓當關強關強力弱必遭殃長箭軟弓能得
法何處能射在當場

計陰帶平虎口緊。計陽必定撥手根。陰陽開放兩分齊。得心應手妙法准。

自始至終、雖各有法、而法之中、尤要在步、緊三字、學者宜細心體之、

發矢當挽後手明。心自安閑氣自平。意在的間心在手。箇裡玄機妙入神。

步射病歌

秘授

自病歌

最怕聳肩挺肚。

偏嫌摸奶縮肩。

順惡傍移足亂。

低頭曲背難觀。

前手病歌

前拳東扭是揭。

上梢西合成張。

挑因陽手下重。

槩緣虎口太剛。

嫩是驚頭模樣。

灣同架櫓行藏。

老則腕突臂打。

刺為力怯心慌。

鬆弓用力太早。

前手有一不減。

後手病歌

後手病態有八。

突然墜下湯天。

逼為食指捺箭。

揪因上指抓弦。

鬆搭指尖無力。

反牽肘凌太懸。

吐送勾老之過。

肘犯懸夾堪嗎。

手病釋

開弓。勸手。謂前手太高。後手低不平。開弓提手。謂前
手大低。後手高。開弓偃梢。謂身直頭偃。前手腕仰。兩
摘。謂不發用力。及前後分解不齊。研弦。謂遣箭不弓。
實握不轉。腕微鬆。手轉弛。弛。謂手太鬆。倒提手。弛
倒梢。子大二件。謂下梢傳二胛。後手約。謂手側不
仰。腕。後手小。謂歛定手不放平。後手偃。後手捲。二件
謂遣箭不直硬。或剪弦列手。

修雙手法宋盧宗遠太尉釋

說文云。側手擊物曰擗。謂當後手如擊物之狀。令臂與肩一般平直是也。擗。籀割反。說文云。擗。拘也。謂以前手推。後手控弦。如用力拘。擗之狀。擗音列。說文云。掣。斷也。謂以後手摘弦。翻手向上仰後。可見掌紋。口。勢。斷之狀也。勢。租說反。說文云。控。擗也。謂當以前手。口。擗物之狀。今上稍抬。的下稍抵。脾骨是也。控。丁結反。俗作擗。

射病解 秘授

前手之病九

揭 下掌向東一丟射家誤認為擊箭去易東也向

張 陽手也。箭偏西合而不準也。手向左揚也。前腕

動向左。前稍太側。亦張也。

挑 勢往上而箭多揚也。下掌推出太重。腕迫虎口

下侵急則高挑也。前手微落。腕不下動。則挑也。

築。擲。多。落。下。而。箭。多。不。及。也。無。名。小。指。不。緊。虎。口。直。遞。而。臂。落。犯。此。也。

嫩。腕。縮。西。向。如。鵝。頸。不。得。直。緊。也。筋。骨。嫩。臂。節。不。轉。打。臂。為。嫩。也。

老。開。弓。執。弛。力。盡。放。箭。無。餘。勢。也。弓。未。滿。而。前。手。推。死。手。腕。突。出。東。向。則。弦。去。打。袖。也。灣。腕。向。右。曲。不。能。直。緊。垂。頭。膊。不。轉。也。鬆。執。弛。下。三。指。不。緊。虎。口。不。得。推。出。也。

刺。刺。箭不滿也。因不直緊垂頭。力未出而急。圈中的也。

後手之病九

突。大指不靈。速剔開手。突然墜下也。

逼。食指靠弦。後腕逼。曾箭亦逼。犯也。因手內扣也。

揪。揪弦合手而不脫也。大指抓緊帶弦。箭去多搖也。

鬆。肘鬆不能壓。手鬆不能仰腕也。搭箭在食指尖。

上。不着力也。

吐。滿而不壓。則不絕。後手先緊。出箭時。反向前送也。

懸肘。肘提起不平。反高于前。不能下壓也。倒也。提手

夾肘。開弓時。肘先夾下。太低不平。臨滿無餘勢。可

壓也。

反。不能仰腕。上三指向下一擲。箭去多高揚也。最

為射家易犯之病。

遲。放箭遲鈍。則不疾準也。

射學辨

秘授

辨發

發者引鏃沒靶之謂。一或不發。骨節未盡。肩臂俱鬆。百病俱出。何由命中。然發法不同。有鹵莽發。有氣虛發。夫鹵莽發者。引弓及滿。矢鏃尚露寸許於靶外。臨發急抽進。靶裏突然而出。是全用猛力牽送。急於求發。激動箭鋒。矢發必不準穩。氣虛發者。着力引弓。使作太蚤。及至滿發。弗遑審的。臂力已盡。膽氣俱虛。隨

發。浪。吐。矢。亦。不。準。是。名。氣。虛。穀。以。形。穀。而。氣。不。穀。也。
夫。穀。法。根。本。全。在。前。肩。下。捲。前。肩。既。下。然。後。前。臂。及
後。肩。臂。一。齊。舉。起。與。前。肩。平。直。如。衡。後。肘。屈。極。向。背。
體。勢。反。覺。朝。後。骨。節。盡。處。堅。持。不。動。箭。鏃。猶。能。浸。進。
方。可。言。穀。蓋。此。法。全。用。肩。力。不。用。臂。力。蓋。臂。之。根。在
於。背。也。須。前。肩。背。骨。極。力。向。前。下。捲。實。令。肩。上。潭。窩
向。前。同。臂。番。直。向。地。又。將。前。拳。微。翫。後。肘。從。高。平。下。
後。肩。堅。持。瀉。開。則。箭。鏃。從。弓。犯。中。間。徐。々。引。進。而。夫

自穀矣。

辨射葉砧

初習射而演葉砧。蓋習其法也。合法在此。致病亦在
此。既無師傳。又自妄射。深中病根。卒難改手。故入門
貴慎也。大抵引弓之力在臂。穀弓之力在肩。分開之
力在拳。善學者講求前法。日對葉砧。端立搭箭。引定
不撲。必極于穀。前肩下捲。兩臂線直。熟視葉心。平拳
發矢。如是日發數百矢。循常演熟。前肩已捲。間架乃

定。此曰鍊肩。又以左眼側視。從肩至臂。從臂至拳。眼光從鏃頭注的。不致速遺。為手靶所障。此曰鍊目。若握弓不穩。發矢多偏。其病皆在掌心。人多不察。須於搭箭時。前肩臂向前。當直。後肩臂從高提緊。就將前掌根托實。弓犯。令人誤認。掌根為掌心。須知手掌與中指無名指對直者。為掌心。與小指對直者。為掌根。掌根一實。虎口平仰。矢從直义而出。若虎口緊而掌根虛。則矢垂頭而小。掌心實而虎口仰。則矢插天而

大此為鍊掌前後肩臂俱如前法。一引便殺。一殺便
齊。堅實不動。此為鍊臂。如此日對藁砧演習。方可場
中試射。或場中稍亂。又向藁上溫習。再習再試。只求
合法。不求急中。求中固為通弊。要不習藁砧之過也。

辨射把

初射遽用大的。希其易中。勝心易生。玩情復起。精神
一浮。身法遂亂。安可中的。場中試射。當以尺布為旗。
長七尺。不用大的也。的小則圖中心泯目精常聚。身

力俱并。潛心注射。動中視矩。小的可中。況大的。手的以合式為準。六尺闊。八尺高。其步亦以八十弓為準。

辨射架

射有三勢。曰大架子。中平架子。小架子。然大架子之病。六曰直身。曰並足。曰弓稍直。豎曰虎口緊。曰弓稍前。指曰後手往後一拖。何也。射法身勢全在站立安穩。若兩足並緊。則立站無勢。全體皆浮。若直身而直豎。弓稍者。引弓不得勢。何能入彀。夫彀弓之本。全在前。

肩向前。番下。前臂番直向地。肩臂盡番。虎口自斜。弓
稍不得不斜。弓斜則胸必欹。身又安能直乎。至於後
手一拖。尤為大忌。以持弓直豎之人。前肩未番。肩力
未奮。惟恃前臂撐持。若後手一拖。矢必偏右。兼之虎
口太緊。弓稍指的。則矢不能及遠。不若不用虎口。惟
以肩力送前掌。直出之為愈也。又中平架之病五。曰
右足微滯。曰右手拉弦。挨右腮下。曰虎口緊。曰後手
一撇一絕。而拉弦至腮下為尤甚。何也。前手撇矢多。

偏左。後手絕矢多偏右。撒絕兩用各分一路。豈能盡
勻。果兩手相應。矢出方準。蓋其難之。若弦挨右腮上
者。前肩低。出矢皆沒肩力。運開則兩肩齊力。分開始
勻。乃弦挨右腮下。全恃兩臂分開。不用肩力。兩手各
自為用。撒絕必不相應也。又小架之病。曰兩足俱灣。
曰弓如懷中吐月。曰箭如弦上懸衡。皆是虛架子。至
曰右手摸奶。是開弓時一大病。虎口緊。臂膊俱合。是
發矢時二大病。何也。摸奶之勢過于低下。前肩必聳。

前手亦低。肩骨不直。臂力兩分。外貌雖撒。筋力欠伸。必不及殺而分撒矣。弓既未殺。又虎口過緊。矢難速到。如是而欲兩臂膊俱從背合。骨開內緊。安可冀乎。三勢皆前肩聳。兩臂低。骨節不直。坐致不殺之病。

辨弓

今人擇弓。只取外表色澤光美。不知弓病在胎。弓稍次之。角次之。筋膠又次之。弓胎竹頭乾透。本地新嫩者不堪。惟江右者佳。此為性堅。口緊聲亦清亮。或本

地透乾者。去頭段節多者。三尺許用中段。又不用稍段。俟陰乾後。燒去竹油。多去黃。少去青。削薄如錢。取兩頭竹節相對。則上下勻調。此擇胎法也。又稍用杜桑。木紋細而堅。勿用沙桑。木紋粗而鬆也。兩稍一色相配。須細小。勿粗大。小則銳而捷。粗則笨而緩。又腦須堅勁穩實。不取薄而狹。薄則發矢無力。狹又活而易滾。又不可太鉤。畧圓而不必太直。方為定準。此擇稍腦法也。角惟廣中者佳。取其老而黑。勿取嫩黑也。

棕紋者為老。細紋為嫩。白色者次之。黑為上。兩頭角面要勻。又不取太長。太長易滾。又腦上易于起紋。此擇角面法也。筋不必過多。則易滾。筋亦易鬆。過少又易疲。夫餐不速。大約弓六十斤者。筋用二兩五錢。軟弓三四十斤者。筋用二兩。筋以細而白者佳。粗而紅者為下。膠用黃魚膠。薄而白者佳。不用米魚膠。粗而黑者。且不粘。惟用黃布絞淨為佳。此擇筋法也。弓既成矣。新弓上弦時。以膝揉其上下之勁處。調而勻。

之曰盤弓。看弓之上下硬處。挫而去之。曰挑弓。底薄則軟而下墮。俗呼突底犯。犯此者。發矢不遠。太厚反突者。俗呼突底犯。犯此者。不惟發難發。矢又多激手。惟平直激勁者。佳。犯眼。頭北勢活。激與弓底強弱相稱者。佳。脇或靠腦。發矢無力。脇或靠犯。眼易拆。惟脇在犯眼外半寸許者。佳。是以良工運斤。必期犯底平勁。犯眼與脇勻調。弓心與兩腦相應。弓雖弱而絃和鳴。弓雖勁而底掌不悖。此挑盤法也。識者蚤辨。

之。

辨箭

弓矢相配。如權衡然。大約弓力重十斤。用箭一錢二分。百斤之弓。箭可重一兩二錢。弓弱至三十斤。箭至三錢六七分止矣。其量箭之法。須將左臂及左手中指俱向左伸直。即以箭鏃頂在左肩下脇骨上。量至左手中指頂止。指頂外又加二寸五分。是為定式。長短各以臂指為量準。其箭竹惟廣中者佳。江西次之。

